

寶應縣志卷之十九

七言律

送皇甫冉往安宜

唐李嘉祐

江臯盡日惟烟水君向白田何日歸
楚地蒹葭連海迥隋朝楊柳映堤稀
津樓故肆生荒草山館空城閉
落暉若問行人與征戰使君雙淚定沾衣

過陳琳墓

温廷筠

會於青史見遺文今日飄零過古墳
詞客有靈應識我霸才無主始憐君
石麟埋沒藏秋草銅雀荒涼鎖暮雲
莫恡臨風伫惆悵欲將書劍學從軍

卷之十九

再過界首

元薩天錫

二月好風吹渡淮滿湖春水綠如苔
官船到岸人多識楚館題詩客又來
近水人家楊柳暗禁烟時節杏花開
一官迢遞三山遠海上星槎幾日回

夜過寶應縣

張子羽

滿湖風浪拍隄沙雪壓黃蘆沒釣槎
臥聽隔船歌白苧起來和月岸烏紗
故鄉近別無多地歸夢應知已到家
何日弟兄兼子姪海天烟雨藝桑麻

樂壽樓

仲發憲葺
妙樓也

李東陽

百尺高樓肯搆新，郎君家有白頭親。
駢羅合做長生宴，升降全輕未老身。
潑眼湖光堪釀酒，捲簾山色似娛人。
豸冠驄馬朝天路，夜夜憑欄望北辰。

除夕過射陽湖有感

王 竑

去年除夕客江都，今歲巡行在半途。
兩篋簿書淮海路，一帆風雨射陽湖。
頻思強梗歸耕鑿，何日流移入版圖。
靖寇安民誠有願，未知天意得回無。

萊昔

修明史知王莊毅總督漕運兼巡撫鳳陽時淮
徐大飢賴莊毅賑恤河南山東聞之就食者百

寶應縣志

卷之十九

二

餘萬時諸倉已空獨廣運倉儲粟甚富莊毅欲
發粟主者不可莊毅與日按劍曰汝不我從斬
汝于是竟發粟活百五十八萬八千人安輯流
移者萬戶餘家景皇帝聞之嘆曰好都御史
否則民飢且死矣今讀此詩報主
澤民之意流楮墨間因附記焉

夜渡寶應湖

倪 岳

湖光晃漾水波平，夜半舟人靜不驚。
霜旆近於天上轉，風帆遙向月中行。
一泓清淺魚龍隱，兩岸空寒鶴鶴鳴。
猶勝坡翁雪堂夢，相逢有客不知名。

送寶應令

毛 澄

一官宰邑承恩命，風上淮南亦上游。
縣裏山高青

對閣城邊湖近綠圍樓滿前民瘼誰開眼幾許霜
華欲上頭此去陽春携滿袖未容寒雪點征裘

夜泊寶應紀述兼呈岳尹

秦鳴雷

湖光萬里近天平風送孤帆一葉輕岸轉時翻雲
樹影閣虛遙應棹歌聲驛樓近水寒烟淨漁艇連
堤夜火明問俗其傳新茂宰下車先已慰蒼生

過邵伯高郵寶應湖

趙鶴

坐向蘿陰愛靜便祠頭風磬午時天每聞使客來
津鼓更有村農送社錢殘雨半收崖下樹浮鷗不
寶應縣志

卷之十九

三

離水中烟肩輿徑避湖波去却憶經行四載前
湖口人家住處幽桃花溪下晚驅牛水耕誰信爲
農苦春望何妨作客遊落日波聲侵短竹平沙風
色帶眠鷗送行最愛長堤柳直到官河綠未休

秋日經臧洪故墟

宋蕃

倉卒相知惟一飯雍丘信義斷於金出師未就包
胥志報主難移豫讓心古道亭亭秋日冷故墟落
落海濤深英雄漫爾成今昔日暮空多國士吟

七夕過寶應湖

周天球

水浮空入絳河悠然自泛野航過烟中鷺下
翻雪天際雲生渺渺波欲采芙蓉秋尚早且看牛
渡夜如何諸君不淺乘槎興莫問風濤往日多

寄朱存仁

陶成

別來心事不堪聞細雨孤燈獨念君短髮漸看添
雪此身寧得化爲雲春風楊柳歌金縷夜月琵琶
醉畫裙流落異鄉爲客久每逢鴻鴈愴離羣

寄朱江陵

周密

江水迢迢隔暮雲江樓日日獨思君幸陪鷺序瞻

襄應縣志

卷之十九

四

龍袞自媿鷄棲在鳳羣賓館笑沾桑落酒燭花光
照石榴裙別年魚鳥無消息何日尋君夜叩門

田居秋水暴至林莽委翳昏莫能辨偶作一

首

朱應登

徑是花繁正暝愁舊谿經眼澹難求青林背水藏
蛟室紅蓼緣隄罨客舟近舍尚迷揚子宅臨高始
識邵平丘人生身世皆如幻漫詫桃源訝幼游

登觀音閣次韻邃翁閣老

楊文襄
一清也

朱應登

午飯齋廚縱目初龍宮闋寂片雲孤長松偃蓋留
人坐短竹分行信手扶酒醖淋漓吞海若蘚衣顛
倒亂天吳相將日暮仍高興更望飛舸送百壺

田中襍吟四首

朱應登

高田低田湖水浮南垞北垞稻梁秋明沙日入有
栖雁獨樹風寒無繫舟白草直隨平野盡滄波真
帶暝烟流時艱漸老雙蓬鬢歲杪空餘一敝裘
川樓信宿野航浮極浦風烟入暮秋總媿江湖成
浪跡細推天地一虛舟輕鳧得水羣相逐獨樹臨

寶應縣志

卷之十九

五

湍半已流病廢豈緣明主棄擬從嚴瀨釣羊裘
津頭人語夜將晨有客棲遲在澗濱向日紅雲來
曖曖衝風綠水去粼粼干時愧乏匡衡疏抱病空
餘宋玉身欲訪名山採靈藥鹿門何處許相親
獨把漁竿向水濱浴鳧飛鷺總相親幽求忽廢經
綸業乞臥惟全寵辱身管輅有才仍未達李康知
命漫多陳閒心苦愛晴湖色轉覺風流倍出塵

九日泃谿子至遂集涇上小臺

朱曰藩

今朝九日風日晴仙人巾鳥來霞城憑高且喜成
勝會別久未暇申離情斷塔雲標雁序直遠湖霜
落葑田平籬邊菊花細無那一花一吟杯一傾

涇上夕眺柬友人

朱曰藩

臺下平池池上花春風無日不山家紅藏塢壁攀
危磴綠浸闌干繫短楫小市漸沽寒食酒中林長
隔美人車夕曛也戀西枝好不管城頭已暮鴉

郭山人重宿朱干草堂有作次韻荅之時山
人將東觀海市因以爲贈

朱曰藩

寶應縣志

卷之十九

六

淮南叢桂花欲開門前忽報幽人來高窓斜日映
籬枳暗井新波生海苔遂志但從公理樂驚時不
作子山哀蓬萊閣上秋容淨獨往知君幾日迴

仲氏南園呈取翁

朱曰藩

飛閣臨衢支徑穿古壇風冷杏花狀千門小雨鈎
簾外青草羣鷺染翰前春服未成聊出浴漁翁何
事獨鳴舷世情祇覺滄洲好白眼曹騰醉看天

北庄在射陽湖之西

朱曰藩

西隣春築捍海堰北庄秋漲監淮亭山陽濁水不

可白射陂草田那得青卽看鷄鴨擇高水便辭蛙
通揚空舫滿携一斗挂帆去直向天河寄酒星

北庄望射湖

朱曰藩

故國東來射水淡土人猶說魏陳琳建安文字無
如古鄴下風流只至今雙笛參差吹落日疎墩迢
遞帶中林孤生書劍仍無賴謾把花枝醉後簪

道中寄博支子

朱曰藩

湖上春風吹柳條湖邊春水蕩蘭橈鶯聲只在三
官殿草色初回五里橋遲日園林長獨往鄰翁杯

寶應縣志

卷之十九

七

酒甕相饒誰憐病起金臺客疋馬關山路正遙

湖西白蓮草堂同王子

朱曰藩

水嶼山潭曲曲幽芙蓉亭子碧雲秋踏歌儂亦解
吳語一笑端能破客愁露下採香霑袂濕月中搖
影入杯流君看印渚何如此况復司州得並遊

夜歸湖中作

朱曰藩

平生逸氣吞雲夢此夕歸檣犯斗牛萬頃琉璃長
不夜五湖鷺鶴劃中流霜華送酒天濟落海客吹
蕭晚更道南國故人拋漸遠明朝回首望京樓

朱子秋橋亭納涼

吳敏道

誰云人世有樊籠，獨向青天躡彩虹。
策杖惟過巷南北，飛梁直跨瀼西東。
簾前乍灑千峰雨，酒畔先支八月風。
好是洞庭張樂地，時聞水調玉璫壠。

重到蓼花莊

吳敏道

秋來重到蓼花莊，翠荻蒼蘆一水長。
鏡裡明粧浣紗女，門前小艇捕魚郎。
輕鷗片片飄晴雪，高樹亭亭倚夕陽。
宛是輞川圖畫好，碧天詩思墮滄浪。

張肖湖湖上村莊新構飛虹閣郭五游有作

寶應縣志

卷之十九

八

見示因次一首

吳敏道

山人寄我飛虹篇，想見君家高閣懸。
倚檻吹簫明月下，移船沽酒白雲邊。
冉冉孤烟寒竹嶼，寥寥一鶴響瓊田。
他時相約石橋路，踏遍金鰲訪列仙。

支川莊贈弘上人

吳敏道

一村榆樹望成叢，我住西頭爾住東。
石上坐談秋水白，溪邊散步夕陽紅。
能書不獨如懷素，持律還兼似遠公。
獨愧世緣吾未斷，苦吟雙鬢漸成翁。

東谿泛月遂飲于范生卽席作

吳敏道

五湖明月載輕舟笑採汀花不自由謝氏田園真
窈窕岑家兄弟總風流蕭蕭烟浦漁榔夜瑟瑟楓
林社鼓秋水碧金支遙在眼醉携餘興欲東游

新開弘濟河二首

吳敏道

莫怪狂呼金叵羅豈期垂老見新河爭先百丈牽
秋色可但千聲響夕波日月蔽虧高閣迥魚龍出
沒外湖多挿天一片崑崙石強欲留題奈老何

康濟當年鼓棹過汜光今亦別開河龍門萬丈真
寶應縣志

卷之十九

九

能鑿瓠子千年不復歌風細帆前拖白練月明盤
裡落青螺槐樓西岸芳蘅滿此地剛容一釣蓑

登懷闕樓四首

吳敏道

天地平成奏禹功丹雘繡棋麗晴空詩人錯認梅
花閣野老爭傳瓠子宮萬里長風來薊北四更初
日出天東豐碑尚臥層簷下太史文章亦自雄
青天玉鳥躡丹梯背指江城百雉低西北神京瞻
御氣東南財賦擁漕堤雲中並翥雙金鳳水上平
懸五石犀指點廟門談往事古槐枝上走蛟鯢

爲厭田家白板扉頻來高閣坐霏微閒身似鶴盤
雲上逸思如虹遶棟飛一劍樽前橫北斗千帆艦
外挂斜暉羣公魏闕心俱切容我天風此振衣
新樓秋日兩翅登扶醉還攀最上層似有仙人雙
節引相將玉女八窓憑鷗邊遠水晴逾好鴈外孤
烟晚更凝滄海桑田經幾變白頭詞筆轉騰凌

訪劉靜之國博

鄒元標

怪來何事不相容久別那堪萬念慵春到鶯聲求
友切齋懸榻影帶雲封蕭蕭華髮還同社渺渺蒼
波任去蹤松竹歲寒吾敢負不妨時醉酒家傭
舟次寶應過劉職方故居感而有作

劉宗周

已矣哲人不可作精神猶在吾黨間誰能一掌廻
河漢多媿女流風闐闐指韓孺人也彈指廿年如昨日
可憐孺子亦蒼顏平生交誼於今盡彤管新盟老

淚潛

送喬聖任中翰奉使紀曹真子總憲喪

文震孟

短衫羸馬老中書宦蹟雖淹意氣舒白簡飛霜搖

禁闥青蒲旭日映宸居三朝舊德明王寵六月嚴

程使者車爾日同心多贈別臨岐分手倍躊躇

袁

咸建三立祠作曹子汴傳內云子汴卒居民為罷市疏聞賜葬贈太子太保遣中書舍人喬可聘紀其喪可聘清介少許可推服鄒南臯曹真子兩先生先後恤典皆身膺簡命君子快之

戊戌八月寄懷喬聖任先生 吳 姓

相看皓首各成翁學稼行吟事事同家世淮南青

桂裏往來湖上白鷗中絃歌自信茲文在圖緯誰

知此道東猶憶昨秋深柳下杖藜竟日坐春風

寶應縣志

卷之十九

十一

當年解組白門歸散髮行歌采蕨薇世外夔龍風

故遠人中麟鳳見應稀幼安自愛衣裘逸陶令深

知束帶非秋日田園更何事湖光靜對鶴孤飛

寄懷寶應喬聖任先生 薛所蘊

衡文曾共古并州二十八回月仲秋慚我長安猶

躑躅羨君高蹈信優游浮雲過眼餘殘夢往事傷

心空白頭欲寄遠懷何處是射陽湖畔蓼花洲

寄懷喬聖任侍御 李元鼎

瀕翻谷岸事紆紆屈指同門我與君幾載香山思

社經年淮水悵離羣鳳池却憶天邊節烏府
傳柱下文東泛扁舟仍有約長湖烟景欲平分

題柘溪草堂圖

嚴繩孫

柱史抽簪返白田釣魚磯畔載書船禍成北寺身
先退事去南朝臥獨堅薇省文章留奕世柘溪烟
水自當年西莊給事歸應晚莫誤丹青作輞川

哭湯茂才廷璉

徐宗道

畢命南荒正氣存蠻天瘴雨哭黃昏腐灰空返千
秋骨旅夢難招萬里魂老去交情悲落葉亂餘身

寶應縣志

卷之十九

十三

世慘孤猿夜臺莫更言經濟好自棲神守故園

喜趙韋齋太守歸里

施閏章

蕭灘送別路偏長年髣詩篇各老蒼萬卷隨身輕
五馬孤舟落日下三湘宦成家在笙歌地病起人
歸瘴癘鄉見說登山復臨水拂衣何處不清狂

飲趙韋齋齋中限郎字韻

宋琬

登樓客半是高陽酒政無苛約數章南國山川悲
庾信大江烟雨憶周郎桐餘深影留鶯語月有微
痕試薜香莫向尊前增感慨漢京聞已諱長楊

送李素臣歸寶應

宋 琬

送客傷心出薊都朔風吹淚到檣烏
難逢狗監支偏賤歸問鱸魚興不孤
臥病幾年羞鬢髮故人多半在江湖
相思試折南枝寄東閣官梅尚有無

寶應舟次寄李素臣

錢謙益

津亭何處不滄桑况復淮南指白楊
剋劍丁年唐進士泥塗亥字魯靈光
吳航雁起殘更火楚幕烏啼半夜霜
容貌恐君難識我且憑音響撼倉琅

過寶應集竹谿草堂

龔鼎孳

寶應縣志

卷之十九

十三

轉蓬塵海倦迴舟恰喜名園竟日游
賓客滿堂慚李郭薜蘿開徑待羊求
驪歌酒盡愁三疊魚腹魂歸歲十周
往余過寶邑有水厄梧竹月高絲竹動此鄉可老况淹留

未行先自計歸舟游倦何心更薄游
愛汝閒情耽洞壑翻令比屋省徵求
時抗論河工為民請命青燈皓月人

千里蟹市漁商水四周京雒年年棋局換烟波朋好至今留

環溪觀玉蘭同朱秋厓陳水壑

王士禎

淮南二月好天氣八寶城中春鳥鳴溪閣客來尋
舊約辛夷花發值新晴迴風雪霰當杯落遲日雲
霞拂檻生杏葉柳枝俱髣髴驚心祓禊逼清明

憶白馬湖

陶澂

吾鄉最有南湖樂每到春來繫所思十畝宴閒塵
事少一天空闊鳥飛遲嘗憑舟楫村村徧及種菱
魚處處宜歸去若尋投老計背林依水結茅茨

自題木侍樓

張璠

寶應縣志

卷之十九

齒

幾分懶癖幾分開涇水橋東晝閉關張子虎皮虛
一席陸家瓦屋做三間客徧草墊能頻見書縱稗
官豈浪刪金石歌聲天地滿青樽不惜掩紅顏

詠懷古跡四首

朱克生

潁水西連鹽澤東射陽分國漢龍瞳千家粳米炊

烟白十里荷花散野紅袁術鐵棺浮水面

邑人掘地得一

鐵棺上鐫袁術字

陳文玉匣亂丘中

洪武時東海侯陳文賜葬寶應村居

酌酒詢田父記事詩瓢一釣翁

白田黃浦分南北直下長河擁濁沙儲尉斷碑狐

兔穴

儲光羲為安宜尉有大謝詩石刻今失

陳琳舊宅薜蘿花石麟

千塚橫殘照

射陽有疑塚千墩諺云射陽三千六百墩不知誰是楚王墳

玉竦

雙橋挂彩霞

嘉定登仙二橋

前范後胡何足問江淮文獻

左朱家

前范後胡左朱右冀嘉靖時四大族

吳生不見徐卿老

吳敏道徐宗道

誰復窮愁再著詩漢臘

猶修臧守廟棠陰無復耿侯碑鷓鴣夕照隨漁榜

鷺鶴秋風叫竹籬可惜關西李大令

李公楷

當年潦

創度安宜

白馬湖頭暮靄青夕陽烟水亂帆停月明李白聞

寶應縣志

卷之十九

五

鶯地草沒真如獻寶亭紫蟹紅菱秋漸老蘆笙柴

笛夜堪聽百年風物無人管自屬淮南處士星

薄暮過淨土菴

朱克生

十年不到清涼地薄暮重來事事殊鐘斷蒲牢蒼

蘚密草纏蟲鼠瘦藤枯青燐夜當鑪頭火白蝠橫

飛竹裏廚坐久始聞僧屐響龐翁老衲倩人扶

泛舟射陽湖

陳鈺

欲雨不雨晝冥冥扁舟蕩漾湖之汀淪漣水照白

菡萏蕭疎葦立紅蜻蜓楚王墩樹遠鬱鬱陳琳墓

高亭亭前有漁家住港口買魚沽酒一留停

移家柘溪集喬子毅吾園 陳 鈺

避地移家隱薜蘿入門如向輞川過水通石竇魚
苗小苔近墻陰崔跡多白日無情春易去青山有
酒醉當歌溪邊處處堪垂釣分得漁翁雨一蓑

秋日過朱侍御環谿看芙蓉 陳 鈺

秋向環溪策短筇門穿深竹碧千重高低石磴斜
通路遠近松柯側礙峰行未度橋驚翡翠坐偏臨
水愛芙蓉尋詩却喜殘陽逼踏遍莓苔老鶴踪

寶應縣志 卷之十九 六

送喬石林編修典試粵西 汪 楫

投戈講藝事重新 帝念遐方遣近臣
入桂齊環香案吏百蠻爭看玉堂人
鳥都解語紛天籟花不知名盡錦茵
誰道此邦風景異呦呦鳴鹿最宜春
共向 天廚飫大烹朝來清譽滿 承明
賦 石林獻 賦 上
稱賞 特甚 賦 成真使千人廢 詔下
驚爲萬里行無數 雲烟憑作供一時
草木盡知名柳州游記雄千古 借問
何如擲地聲

噫咳真安坐九天飛旌不分指靈川
星霜照路

三月烽火儲才喜十年白竹湖邊波作鏡碧蓮
下草如烟山川自是文人助定有新詩百粵傳
歲歲春帆致醪醑索居曾未倒銀餅石林不能飲而時載酒待
客看人豪飲常堅坐聽爾清言只獨醒此去忽過
山角驛相思應繞第三廳長安好事從茲少願爲
公榮著酒經

天桃穠李遍山開待爾移將上苑栽獨倚金籠酬
鳳闕弘鋪鏡網藉烏臺時撫軍郝公疏請廣額好奇直入烟

霞窟得士何須錦繡堆探得驪珠報天子域中

寶應縣志

卷之十九

七

誰不頌憐才

前題

汪懋麟

建陵諸寨舊稱強人物於今半已荒三孽蜂烟遮
粵嶺九年荆棘暗文場使星重入蒼梧野綵筆
高懸八桂堂料得春風披拂後別開桃李滿溝湘
日南近報異花開天末從無太史來只爲奇文工
羽獵故教絕域訪龍媒果然得士一人足何惜銜
恩萬里回若向劉蕢祠下過自今豈復歎遺才
粉校士競中原見說殊方總避垣此去獨逢

千熟所嗟不及荔枝繁地經象郡龍城險景愛紅

蕉翠羽翻西過冉溪幽麗絕紀游好問柳宗元中

有柑子堂荔枝亭是役為在延所避石林獨叱馭而前一時壯之

洞庭烟浪氣如蒸倦鳥高飛欲避矰小理春帆趨

漢水緩搖柔櫓下巴陵楚天雲雨暗何處吳苑鶯

花嬌未曾想到歸途清興好新詞傳寫刻谿簾

日日都亭強送人昏花倦眼怕飛塵論文何與狂

夫事贈遠偏驚病客身獨秀山花紅不斷相思江

水淥初勻蠻天夜雨懷鄉處楊柳櫻桃頃却春

寶應縣志 卷之十九 六

前題 徐秉義

漢廷才子數鄒枚乘傳鳴騶赴越臺萬里霜華初

就道十年烽火乍掄才自壬子撤棘迄今十年星軺曉逐戈

船下桂樹香侵杏苑開塲期在壬戌二月携得上林春色

麗芳菲好向嶺頭栽

只今滇海已兵休洞柱風烟淨戍樓桂嶺三重多

翠羽灘江百尺是龍湫 中朝詞賦推揚子南徼

人文學柳侯詩思山川應有助莫辭汗漫白雲游

比屋相親晨夕間何當分手出燕關雙旌百粵懷

前路綠酒青門感別顏遠望幾羣寒浦鴈揮鞭無
限夕陽山禁林佇侍瀛洲客好趁薰風引棹還

和喬石林侍讀生日詩

湯右曾

旋和新火又花辰荏苒東風二月春初度恰逢挑
菜節玉堂開有詠詩人浮沉當世羞諧俗密爾斯
文可荅賓絲竹不鳴門館寂未妨官况號清貧
篇章倡和我何能輞口虛從王右丞酒劑心情看
社到詩家格律與年增江亭柳色連朝雨淮市秋
風落晚昏莫怪鄉園幽興熟此中真味辨淄澠

寶應縣志

卷之十九

九

和魏水邨韻送白田先生還寶應

陸嘉淑

廟廊已用河渠議班列難容慨慷人曾笑寒蟬徒
結舌肯隨仗馬學容身漢廷定擬收長孺谷口誰
當老子真此去五噫吟總就可能無意戀君親
甃社雲荒照夜珠烟波無恙著鷗鳧可知婉孌栽
初服定抵從容乞鑑湖莫以一車仍載鬼從教三
百任歸逋浮生只抱書千卷杖底何須五嶽圖

冬夜夢石林侍讀口占却寄

彭孫通

故人踪跡滯齊東，八口漂搖類轉蓬。
名士每因流寓重新詩，翻爲罷官工蕭蕭。
羈思停雲外，栩栩吟魂落月中。
強囑雙魚將尺素，萬端心事一郵筒。

聞石林侍讀南歸奉懷二首 汪懋麟

一帆歸種柘溪田

石林夢中句也

老夢荒荒亦偶然，斷不

料君虛壯歲，何期與我共殘年。
行藏敢謂終相合，踪跡應須各自傳。
若問安心唯學道，閉門久已似枯禪。

憶昔分飛九月中，霜風搖落菊花叢。
榮華有限飄

寶應縣志

卷之十九

三

零似憂患無端約，畧同天地何妨容。
逐客江湖只合老，衰翁紛紛舊事都忘了。
準擬扁舟理釣筒。

前題

汪楫

二帆歸種柘溪田，幽夢無端忽驟然。
掃徑可能辭熱客，候門先喜報豐年。
他人肥瘠都休問，得意文章莫浪傳。
知爾會尋安樂法，止談周易不談禪。
跋扈飛揚鷓鴣鷺，中都忘周道有蠶叢。
鷄豕得失原難較，草木榮枯未肯同。
澤畔行吟笑漁父，墻頭過酒謝鄰翁。
糟牀自有喬家白，且向池邊試碧筒。

過白田訪石林再疊前韻四首

王懋麟

曾勸湖濱買薄田只愁此意竟茫然何期早及歸
耕日正爾閑逢學稼年定計盡捨書籍賣藏身不
欲姓名傳新來畧解楞嚴理肯與東軒講夜禪
一棹相過六月中芭蕉葉大竹成叢虛堂不與吾
廬異高論還教昔日同萬事茫茫真有定三人草
草漸成翁聞君種樹城東路好向清溪試灌筒
閱盡金張與寶田縱令罵坐亦徒然龕疎自悔作

寶應縣志

卷之十九

三

風漢衰颯于今非少年心事難尋游夏語文章聊
藉滑稽傳從人謗我爲仙佛袞展浮沉醉裡禪

似子雄才豈下中當門可惜蕙蘭叢何須持論分

堅白猶記爲文辯異同

石老御試班馬
異同辨甚佳

極北紀年

師范擘粵西化俗比文翁生平事業原粗了檢點
殘詩理舊筒

前題

汪楫

清白曾留二頃田桑麻松菊故依然樓臺幸未添
今日圖史行看駕往年兩世高名千古忌一廷雄

荆萬人傳張儀舌在何須問飽飯來參玉板禪
八公鷄犬滿雲中一任寒螿泣露叢得過要須如
日食爲官未許笑雷同何人著論譏陽子且自吟
詩學放翁聞道比來誇腹笥應堪喚作五經筒
開池種藕葉田田手把奇書笑訖然乞樹已栽入
百本成陰只在二三年好花難得城中看往事憑
他世外傳釣出槎頭送婪尾關門不聽野狐禪
板閣柴關亂水中豆棚瓜蔓野花叢移來竹影終
嫌薄添个茆亭定不同對景漫思殷七七逢人且

寶應縣志

卷之十九

三

學宦翁翁誰歟叩戶談時事爲報生龜已脫筒

過寶應飲石林侍讀齋中

高士奇

繞屋松筠滿徑花水村留客足魚蝦甕頭香鳳玉
舫溢扇底歌圓珠串斜肯向棊枰談世事從判茗
勺送生涯燭殘轉怪清光發座上雙懸有莫邪

美給諫無
功孝廉

舟次寶應飲喬侍讀園中

賦呈二律

姜宸英

繫舟湖畔恰斜陽走覓街南近水莊迎客數株紅

漱澗入門一片白瀟茫并疏畦逕通花墅直借城
陰護草堂誰送玉珂人到此六時占斷好風光
方信椒蘭未是癡楚騷空復怨江離對君祇覺風
生腋臥病微憎雪上髭一笑尊前逢酒侶十番花
外試歌兒昨來不敢分明顧行幄曾聞被賜
時

過寶應與無功話舊有感

查嗣璉

一鴈秋風別

帝畿隔年情事兩依依人今盡作

高飛去爾亦仍如下第歸蟬鬢舊粧經眼換蛾眉

寶應縣志

卷之十九

三

新樣入時非只應相約江南北並占漁莊及蟹碕

邸中除夕得石林侍讀書寄荅一首

劉中柱

淡嚼黃芽酒點唇年光冉冉又逢春怕燃列炬翻
新曆喜接郵筒對故人市上軟塵紅欲染山中淺
水綠將勻梅花須約乘時種待我歸來好結鄰

寄題再東閣

劉中柱

家山常繞夢魂中別苑初開小徑通看竹幾人來
舍北扶藜一老過橋東環籬水映鴨頭綠夾岍

齊鶴頂紅料得柳梢明月上酒闌離思逐秋風

過縱棹園

王彬

先生別業畫川東橘刺藤梢取次通喜有篙添春
水綠遂令客羨酒舩紅沿堤鶯語調歌舌隔岸鷗
羣狎釣筒我亦湖山簑笠客吟詩肯許一舟同

陳水壑構巢園屋角出泉味甘不竭賦一章

誌異

喬出塵

自愛清狂性不羣編籬僻巷遠紛紜門垂柳暗穿
黃鳥屋剪茅疎補白雲策就治安憂盛世家無擔

寶應縣志

卷之十九

二

石報奇文祇憑一勺新泉美平與隣翁細細分

簡叔氏侍讀公

喬出塵

竹杖芒屨大有因雲泉供養百年身腰無組綬偏
疎快面有鬚眉不賤貧帝力千鄉膏澤滿金滕一
代是非真烟霞只恐無能事留我先生作酒民

白田

劉家珍

孤城日落罨春煙無數帆歸古白田近岸水喧收
鴨陣隔谿人靜穩鷗眠千層草合青連屋一片湖
翻白到天憶自謫仙經過後至今鶯轉尚依然

讀鄭氏一家言賦此簡其裔孫千子

朱克生

江東無復舊句吳此日淮南剩五湖
羨汝畫梁尋

故壘愁余滄海泣遺珠

時余有安宜文藝之選適千子以其列祖元祐彥明

仲禮仲利士賢如淵宜谿可憐往蹟餘桐爨誰料

狄雲竹軒遺集求余傳之傳家見鳳雛
王謝于今零落盡
秋風啼殺白門烏

同胡存齋方伯喬石林侍讀韓醉白上舍訪

子丹柘溪草堂留宿齋中卽事四首

汪耀麟

寶應縣志

卷之十九

三

城南知有午橋莊未訪山中舊草堂
野艇忽遇黃

葉渡人家疑在白雲鄉
投閒細覓栽花地
謀醉深

求種秫方

時方伯欲卜居白田

何似君家桑與梓
百年手植

已成行

投林鴉噪欲黃昏
曲水橫流直到門
耕鑿遺風從

古少桑麻佳話至今存
先人祠墓經三代
族姓宗

支盡一村我亦幸
叨瓜葛後得分
淳樸長兒孫

密室深潛小徑幽
薄寒日暮下簾鉤
厨中正抱三

冬甕門外初停一葉舟
天竺早如紅豆熟
木瓜新

向碧盤收北窓修竹吾廬少高枕真堪十日留
辭囂偶爾托林泉負郭原多二頃田豈把犁鋤同
老圃欲將絲竹寫中年雲霞氣意交雖寡金石聲
名賦蚤傳竊恐胡牀據籬落隆中未許鳳雛眠

秋過射陽湖有感

朱 辰

淮水分流自此東桑田汨汨浪花中但看無數哀
鴻影不似當時牧犢風捕蟹嘗懸秋雨黑採菱舫
剩夕陽紅年年瓠子勞沉璧鼉背何人奠禹功

柬劉松庭

趙開雍

寶應縣志

卷之十九

二十六

兩年領牧文身地萬死投荒瘴雨鄉遷客遠歸新
白髮故人無恙舊青緗山樽滿注葡萄酒野服初
裁薜荔裳來往相看成二老耦耕原上有莖堂

